

դատուեցաւ ան. վասնդի Կարկուր տրուած որոշումին չփոթ վիճակէն օգտուելով՝ գործադիր պաշտօնէութեան կը դիմէ և ամէն կողմ լուր կը տարածէ թէ նպաստաւոր վճիռ ստացած էր, և այլն: Յարութիւն պտըք. նոր բողոքագիրով մը և փաստաբաններու խորհրդով խնդիրին նոր ձև մը կուտար, և այս անգամ Դատական նախարարութեան կը դիմէր. ձեռնհասութեան խնդիր ալ կը յուզէր՝ թէ պատրիարքի մը գէմ վճիռը գինպետէն միայն կրնար տրուիլ, և ոչ ուրիշ դատաւորէ: Նախարարութիւնը պործը Պետական խորհուրդին որոշման կ'ենթարկէ, և անմիջապէս լուր կը տարածուի թէ Կարկուռի ձեռք բերած վճիռը նենգեալ և խարդախեալ և օրինաց հակառակ ըլլալուն ջնջուած է. և Մայիս 17ին լուր կ'առնուի թէ անգործագրելի վճռուած է Կարկուռի ձեռք բերած վճիռը. 21ին Պետական խորհուրդի որոշումը նախարարութեանէ կը վաւերացուի և կը հռչակուի Ս. Յակոբի վանքին իրաւունքը և պաշտօնապէս պատրիարքարանին կը հաղորդուի և եպարքոսական հաստատութեամբ հրատարակութեան կը տրուի, և Միաբանութիւնն ալ 1886 Օգոստ. 11ին խնդութեամբ կը լսէ այդ յաջողութիւնները:

Յարութիւն պտըք. ապառաջի նկատմամբ ինչ ինչ տեսակէտներով յարմար կը դատէ նոյն վճիռը նուիրագործել տալ կայսերական հաստատութեամբ, և արտին կէսը վաճառելով միւս կէսը շահագործելու արտօնութիւն կը խնդրէ: Կառավարութիւնը նկատի կ'առնէ առաջարկը և երուսաղէմի կառավարութիւնէն պաշտօնական տեղեկութիւններ կը պահանջէ. Կարկուռ թէ և կը բողոքէ այդ առաջարկին գէմ. սակայն պատրիարքին ջանքը կը յաղթանակէ. և կայսերական արտօնագիրին հասած ըլլալը 1888 Ապր. 2ին Միաբանութեան կը հաղորդուի: Պատրիարքը յատուկ հրովարտակ ալ ստանալու ջանքը կը շարունակէ, որուն համագոր կը սեպուի կայսերական հրամանին հրովարտակաց դիւանին մէջ արձանագրուած ըլլալուն վաւերական վկայադիրը, որ և երուսաղէմի կառավարչութեան ալ կը հաղորդուի: Արտին կէսը վաճառելով միւս կէսը շինելու արտօնութիւնը պատրիարքին ալ կը հաղորդուի Ապրիլ 3ին իբր զատկական աւետիս: Գործադրութիւնը փութացնելու համար անմիջապէս կտոր մը վաճառելու և շէնք